




Ex libris  
Joannis Nepomoceni  
Camienſis  
m<sup>o</sup>



LUDOVICI  
MAGNI.  
FRANCIÆ & NAVARRÆ  
REGIS  
Laudatio Funebris.  
DICTA

*In Regio, ejusdem LUDOVICI MA-  
GNI Collegio à CAROLO  
PORRE'E, è Societate  
JESU.*

Prid. Id. Novemb. Año M. DCC. XV.



Impressa Parisiis & Posnaniz recule;  
Annò Domini 1737.

3k  
+ 8/10

LUDOVICI

M A D I

FRANCIS & NAVARRIS

R E G I S

Francis Ludovicus

525222

LUDOVICI

ORDINIS

FRANCIS & NAVARRIS

U 23 U

M D C C X V

FRANCIS & NAVARRIS

Imprimis Parisiis apud Robertum

1717


33

L

Q

suam  
com  
MIN  
SIAE  
MI,  
QUI  
ORN  
ut in  
latif  
cert  
orna  
paci  
omn  
min  
stab  
ima  
mon





# LUDOVICI MAGNI

*Laudatio Funebris.*

**Q**UOD in regnis, omnium moderator regno-  
rum, hoc in Regibus, Regum idem ar-  
bitratur omnium Deus efficere solet, cum  
suam in alterutris potentiam ac liberalitatem  
commendare ipsi visum est: CARDINALES E-  
MINENTISSIMI, ILLUSTRISSIMI ECCLE-  
SIÆ PRINCIPES, PRÆSIDES ILLUSTRISSI-  
MI, AMPLISSIMI SENATORES, CÆTERI-  
QUE OMNIUM ORDINUM AUDITORES  
ORNATISSIMI. Regna quædam sic illustrat,  
ut in ea opes, triumphos, & ornamenta cumu-  
latissime congerat omnia, quæ reliquis imperiis  
certo fine ac modo dividit; Reges quosdam sic  
ornat, ut in eos animi corporisque dotes, belli  
pacisque laudes, & decora liberalissime conferat  
omnia, quæ cæteris Principibus non avarâ, sed  
minus larga manu distribuit. Quasi ex illis aspe-  
ctabilibus Diis, quosdam amet eligere, in quibus  
imaginem suam plenius exprimat, & expressam,  
mortalium oculis ad reverentiam proponat.

Quod cum in multis antea Regibus factum legimus: tum in eo vidimus perfectum, qui Gallia, maximo donorum omnium, luctu, ereptus est, LUDOVICUS XIV. Cognomento Magnus, quem DEUS, ex antiquissima toto orbe familia nasci voluit, ut duodecim gloriam sæculorum, jam inde ab ortu acciperet, & unò minùs sæculò propriis laudibus superaret, quem Gallorum votis diu tenuit, ut ad miracula natus, miraculò quoque genitus intelligeretur: cui grandem infudit animam, ut haberet imperio parem: cui majestatem corporis, animo dignam addidit, ut Magni cognomen, ex omni parte sustineret: cui tot virtutes concessit domesticas, ut, si per eas ad solium veniretur, is, vel privatus, eò perveniret: tot Regias, ut si Reges inter Rex eligendus foret, is omnium unus vel primus eligeretur: quem utraque fortuna probavit, in utraque magnus, in utra major esset, dubium relinqueret: cui citò regnare dedit, quia nimium diu regnare non potuit: quem omnium ex omni memoria Regum diutissimè imperare voluit, quia si sempiterna forent hominum imperia, imperare semper meruit.

Superba nimium Gallia, si semper imperaret is, quo regnante, gloriam ipsa suam tantò superavit, quantò reliquorum famam imperiorum ante superaverat. Sed qui regna dat gentibus, & regnis Reges, idem aufert illa, & hos  
repetit



repetit certo ac definito tempore, ut omnes intelligant, solum perperuò regnare immortalē Deum. Hac omnibus constituta lege, repetitus est; & ablatu terris, qui Galliæ ad splendorem, Religioni ad præsidium, Regibus ad exemplum, Gentibus ad spectaculum, orbi universo pene ad miraculum fuerat concessus. Quanta, quàm multiplex in uno viro omnium iactura!

Quòd si privata, in publico luctu, damna recensere licet (& nobis certè, licet, nisi malumus ingrati timidi, quàm piè audaces videri) qualem nos in Principe patronum, qualem in domino parentem amisimus, qui pro sua erga hoc cœ Collegium munificentia, Fundator ejus appellari meruit, imò debuit; & pro sua erga nos benevolentia, dici non recusavit!

Laudandus itaque nobis deinceps mortuus, qui toties nobis laudatus est vivus. Durum ac triste Oratoris officium, in luctibus suis fieri desertum! Ingrata hodie primùm, quæ semper antehac jucundissima fuit, laudandi Principis optimi necessitas! Ardua verò & operosa res, demortui laudes oratione complecti, qui omne laudum genus, vitâ sit complexus; & quod argumentum Oratores multi, lætitiâ publicâ erecti, dum assumerent divisum, sub mole laborabant; id totum simul Oratorem unum, mœrore gemino debilitatum, in se recipere!

Non detrectabo tamen onus impositum; Vi-

**LUDOVICI MAGNI.**

res addet amor, si dolor adimet. LUDOVICUM  
omnium gentium suffragiò Magnum, quantus  
fuit, exhibere conabor; & illum tripartitâ Ora-  
tione, triplici nomine Magnum ostendere; Ma-  
gnum bello, majorem Pace, Religione maximò.

Talem nuper, aliud (A) agendo designabamus  
dum viveret; talem, postquam vixit, adumbra-  
mus. Nihil mortuo detrahet veritas, quia vivo  
nihil adjecit adulatio. Sola ejus laudes deterere  
potest Oratoris tenuitas; & multum sanè deterere,  
si quid ei posset deteri, cujus effigies in om-  
nium animis impressa ipsum exhibet totum,  
vel dum imago oculis proposita, eundem vix ali-  
quâ sui parte repræsentat.

Istam effigiem sæpius inspicite, Auditores; &  
in illa multò magis, quàm in Oratione nostra  
LUDOVICUM ter Magnum recognoscite, ama-  
te, & lugere.

**PRIMA PARS.**

**R**egibus non una, ut militibus; non gemit-  
na, ut ducibus; sed triplex ad laudem bel-  
licam aperitur via. Bella enim quæcun-  
que Regni causâ gesta sunt; sive illa suis auspi-  
ciis gesserint, quod Regum omnium est; sive  
illa consiliò administraverint, quod pauciorum  
est; seu denique, quod paucissimorum, illa du-  
ctu ipso confecerint; ex iis gloriam omnibus  
solent, quodam jure suo, accipere: quoniam id  
omne

(A) In Oratione habita de Panegyricis An: 1714.



omne Regibus, bene, vel malè cadit, quidquid regnis feliciter aut secùs evenit.

Quem triplicem veluti campum, et si fas est Oratorem ingredi, & inde palmas Heroi legere; illa tamen omittam prima auspiciatissimi regni tempora, quibus LUDOVICUS jam Rex, sed nondum imperii rector, jam exercituù dominus, sed nondum ductor, jam consiliorum quasi caput, sed nondum moderator, bella tum externa, tum domestica, felicitate sua, virtute aliena, componeret.

Licuerit Oratoribus, qui tunc temporis res Gallicas dicendo profecuti sunt, ad pedes triumphatoris pueri gratulabundos accedere, etiam sine adulationis suspitione. Licuerit bellicas Laureos ad Rupem Regiam, ad Friburgum, ad Ne-rolingam, alibique collectas regiz ipsius coronæ attexere, sine ducum nostrorum invidia; illum ego corollis non onerabo, quas deinde jam factus ductor famæ suæ & æstimator, removit à suo capite, & superioribus belli ducibus regnique administris reponendas esse declaravit. Præclarum sanè LUDOVICO fuit eas remittere laureas, quas posset meritò suas dicere; cum ejus auspiciis ita mancipata fuisset victoria, ut iidem imperatores modò victores, modò victi, prout has vel illas sequerentur partes, pugnasse quidem virtute sua duce, sed comite LUDOVICI fortunâ vicisse viderentur. Facile ta-

**LUDOVICI MAGNI.**

men Regi fuit, qui propriis abundaret virtutibus, nihil suum duceret, quod fortunæ solum esset suæ. Facile fuit abs rebus iis, quæ ipsius duntaxat gestæ forent auspiciis, nolle felicem appellari, qui satis superque ab illis emereret, quas ductu suo gesserat, vel consilio, ut Magnus bellò prædicaretur.

Regem enim bellò magnum quæ res efficiunt? Hæc opinor, magna bella, magnæ virtutes, magna facinora, magni bellorum exitus. Quæ omnia & singula LUDOVICUS ita comprehendit unus, ut alia quidem aliis majora in eo fuerint aliquando; sed ipse in omnibus, singulis magnus, ac sibi semper æqualis extiterit.

Bellorum magnitudinem unde potissimum repetendam esse dixerimus, AUDITORES? An ex hostium numero, qui aliquando virtutem obruit? An ex virtute, quæ numerum proruit? An ex locorum diversitate, quæ vires imperii distrahit? An ex temporis diuturnitate, quæ opes atterit?

Si ex hostium numero; hostes multitudine propè innumerabiles, vel soli, vel cum sociis sustinuimus, qui essent ipsi nobis à lapsu sustinendi. Europa nunc æmulatione, nunc timore dominatûs Gallici excitata, milites in perniciem nostram, toto superiore sæculo parere & parturire visa est, semper enixa, nunquam exhausta. Ut, quod Pœtæ commenti sunt, ex satis Draconis denti-



*Laudatio Funebri.*

dentibus, natos esse armatos homines, illud de sepultis hostium ossibus credere ferme liceat, in de novos produsse exercitus, qui non in se, ut illi terrigenæ fratres, sed in nos arma converterent.

Si virtus bellica spectetur; dimicandum fuit cum gentibus, virtute quidem & ingenio diversis, sed utroque metuendis.

Cum gente imperiosa; hoc est quæ uno contenta Rege, regnis pluribus contenta non est: cujus ditio in utrumque orbem latè diffunditur, animus ipsa ditioe latius extenditur: quæ nos usque habuit æmulos, donec haberet socios: quæ dominum à nobis quidem accepit volens, sed ipsa dominos antea dare nobis voluit invitis; & se daturam aliquando speravit.

Cum populo, Gallos inter atque Italos, ut locorum situ, ita fortitudine & calliditate medio; & ad alteram, ubi altera minus proficit, facile converso.

Cum natione, tot militum sæcunda, quot virorum; quæ cum robustissima sit corpore, non minus animi vi certat, quàm robore corporis: quæ cum valentissima sit imperio, in nos sæpe tota imperii mole incumbit; quæ cum libertatis retinentissima semper fuerit, inimicis Gallici nominis, mancipare se promptissima semper est, & libertatem sæpe amittit, vano amittendi metu.

Cum Insularum incolis pugnae avidis, temerè pugna:

pugnacibus, feliciter temerariis; qui nisi nos vincerent aliquando, essemus invicti; nisi à nobis vincerentur, essent insuperabiles.

Cum Republica, cujus potentia, velut illa Romana, à levibus principiis exorsa, crevit in immensum: quæ in angulo terræ posita, & maris arctata fluctibus, terrâ marique longè ac latè dominatur. Quæ opes novi orbis colligit, ne à veteri accipiat leges: quæ virorum infœcunda, nunquam non abundat militibus: quæ pro suis semper commodis certat, periculis ferè alienis; nunquam auxilii certior, quàm cum opis egentior; à nullis magis defensa, quàm ab iis, quibus maximè infensa; nusquam magis tuta, quàm ubi aquis demersa.

Cum Barbaris denique & peregrinis gentibus, cupiditate prædæ inflammatis, navium celeritate securis, littorum asperitate munitis, odiò Christiani nominis in expugnabili armatis, seu vincant seu vincantur, semper inimicis, nunquam pacatis.

Jam verò si ex locorum diversitate bellum æstimetur; quàm variis, sive terra, sive mari locis sumus appetiti? Inguentibus à dextrâ, à sinistra, à tergo, à fronte exercitibus; ut variò multiplicque distracti periculò, dum petitiones omnes effugere volumus, pateremus omnibus; & modò his, modò illis, nudum, aut minùs rectum latus objiceremus.

Si ex



Si ex bellorum diuturnitate rem metiemur: quàm longa, aut quàm multa nobis bella quasi ferie perpetuâ incubuerunt? Non alia ex aliis nasci, sed aliis alia inferi diceres: neque gentem unam campo cedere, nisi ut altera in ejus locum succederet. Ut non magis Herculi nostro, quàm illi Thebano, clavam deponere, & ad tempus connivere somno licuerit.

Ad hæc porro bella tam diuturna, tam diversa, ex tam numerosis, tam bellicosis hostib9 cõflata, quas LUDOVICUS virtutes attulit? Quas & quantas bellorum magnitudo postulavit. Fortitudinem animi, quæ nihil non auderet: Providentiam, quæ nihil non caveret: Sagacitatem, quæ aliena consilia exploraret: Prudentiam, quæ sua regeret: Celeritatem, quæ hostium festinationem anteverteret: Constantiam, quæ ipsorum pertinaciam expugnaret: Clementiam, quæ victoriam ipsam vinceret: Firmitatem præterea corporis, nullis inflectendam equitandi aut vigilandi laborib9, nullis resolvendam æstûs calorib9, nullis hyemis frigoreb9 infringendam.

His ille dum procedit ad bellû comitatus, quarû pars antevolât duce providentiâ, pars adheret lateri, aut sequitur, agmen claudente victoriâ, quanta interim populis, vias hinc inde oblidentibus lætitiâ! quanta hostibus longè prospicientib9 trepidatio! quanta exercitibus nostris ducem in

Rege

Rege accipientibus fiducia ! si stetit ille, stant undique metu attonitæ urbes: si movetur, nutant pavore arces: si progreditur, omnia venienti cedunt: pontem accipiunt amnes: viam aperiant saltus: juga demittunt montes; claustra referant provinciar. Ubi verò quò destinavit, eò pervenit: continuo explicat se omnis virtutū ordo; accingitur operi; & ea renovat facinora, quæ admirata est antiquitas: ea patrat, quæ omnis admirabitur posteritas, vix ulla imitatio cōsequetur.

Admirata est Mœsia flumen altissimum, obfistente Persa, à Macedonibus tranatum, sinè exemplo. Duplicavit exemplum LUDOVICUS exercitus trans Rhenum trajecto, repugnante Batavo; & priori miraculo fidem adjecit, admirationem abstulit.

Admirata est Asia Petram, quæ solis videretur avibus superabilis, clam, & tacite ab aliquot militibus superatam. LUDOVICUS in arcem Vefuntionis undique præruptam, Gallos media luce inter crepitantia fulmina transportavit; & Victoriam ostendit non minùs sibi, quàm Alexandro pennatam famulari.

Admirata est Hispania expugnatas à Romanis arces, quæ dicerentur inexpugnabiles, LUDOVICUS Belgii propugnacula expugnando, fecit, ne quæ deinde arx dici auderet inexpugnabilis.

Admirata est Græcia tot urbes ab uno Demetrio captas, ut ipsi expugnatoris nomen addiderit.



cit. LUDOVICUS plures unâ hyeme cœpit mun-  
 itas urbes, quàm ille totâ vitâ viderit.

Admiratus est aliquando Cæsar, tantam in vin-  
 cendo celeritatem suam, ut veritus ne diutiùs  
 narraret, quàm pugnauerat, tribùs omnino ver-  
 bis rem totam comprehenderit, *veni, vidi, vici.*  
 LUDOVICUS Bataviam vix dum ingressus, non-  
 dum viderat, nondum venerat, jam vicerat.

Dicat præterea quid admirata sit antiquitas;  
 & miracula miraculis reponemus: vel potius vi-  
 deat nostra, obstupefcat, & fideat.

At enim optaretis forsitan (quoniam in iis,  
 quos amamus, vel admiramur, vota plerumq;  
 ultra modum extendimus) optaretis ad hæc tan-  
 ta LUDOVICI facinora, prostratas campis acies,  
 & exercitus internecione deletos adjici. Arno-  
 lite vobiscum pugnare votis, Auditores, nolite  
 sublato LUDOVICO id optare unum, quod eò  
 vivò unum extimulistis. Timuit enim verò Gal-  
 lia, & proficiscente ad bella Rege suo semper  
 timuit, ne collatis cum hoste signis dimicaret.  
 Meminerat, nec sinè horroris sensu recordaba-  
 tur, quoties ille in obsidendis urbibus, dum o-  
 pera lustrat & promovet, dum exemplò præit  
 & excitat, in capitis periculum venerit; & ipsa  
 cum capite suo, hoc est cum Rege, periclitata sit.  
 Timebat, quæ nihil ab hoste suis provinciis me-  
 tueret, ne laude bellicâ jam cumulus Heros,  
 sed ut laudis natura fert, nondum satiatus, no-

vam Martis aleam tentaret. Gratia optimo Reg-  
 norum & Regum Custodi Deo quod idem hosti  
 & Galliametus incubuerit, & quantum ista Regis  
 capiti, tantum ille sibi à Regis manu timuerit. Gratia  
 hosti bene provideo, quod advētante LUDOVICO  
 semper fugerit, & fuga salutis suae, securitati no-  
 strae consuluerit. Gratia multo magis LUDOVICO,  
 quod desiderium vincendi suum, amore  
 metūque nostro non debilitari, sed comprimī  
 permiserit: quod intellexerit aliter Henrico Ma-  
 gno, dum regnum quærit & comparat, aliter  
 sibi, dum Regni fines tuetur vel amplificat, bel-  
 landum fuisse: quod se demum satis vicisse sen-  
 serit, ut superbissimis illis gentium victoribus  
 nihil invideret. Et verò sic ille vicerat, ut ne-  
 mo dubitaret, quin eorum præcipitem imperum  
 posset assequi, si vellet sic ii vicerant, ut merito  
 dubitares, utrum maturam ejus in agendo cele-  
 ritatem, ut maxime vellent, consequi potuif-  
 sent.

Sed neque laureis acie instructa demersis LU-  
 DOVICUS caruit. Quodcumque solum à militi-  
 bus nostris, eo mittente, pressum est; illud feli-  
 cem sylvam sub vestigiis triumphalibus protulit.  
 Lauros in suis campis Flandria, suis finibus atq;  
 adeo in sinu suo Germania, in suis rupibus Ca-  
 talaunia, in suis vallibus Sabaudia, in suis monti-  
 bus Italia, in suis littoribus Africa, in suis insu-



his America, in suis etiam vadis Oceanus peperit; soli naturam, cæli, rigorem, tempestatis inclementiam ubique vincente Gallo, qui non LUDOVICI quidem ductu, sed consilio & auspiciis dum pugnaret, omnia vinceret. Collectam tot locis segetem Regi suo miles redux obtulit, pretiosum munus, sed debitum.

Neque verò illorum duntaxat fuit laurea, qui missuerant; sed ejus quoq; fuit maxime, qui manus ad metendum idoneas elegerat; qui delectas ferro armaverat; qui armatas direxerat consilio; qui ad feriendum applicuerat imperio; qui ferientes virtute sua robotaverat. Ejus denique fuit, qui tum ageret in castris, cum in aula cessare, videretur; qui exercitus suos movebat immotus, regebat absens; & ipsos præliorum casus, quantum humana prudentia potest, mente nutuque moderabatur.

Hinc adeò bellorum exitus, qui potissimum in ducibus spectari solent (tamen magnos imperatores non tam faciunt, quam probant vel commendant) LUDOVICUS habuit ita felices, ut quamvis aliquando victus, postquam absuit à castris, nunquam arma, nisi victor, posuerit: ita celeres, ut Provincias uno mense, una hebdomada, unâ die occupaverit; ita inexpectatos, ut & hostium merum & spem nostram, sæpe vicerit: ita incredibiles, ut non modò priusquam ageret, sed etiam cum egerat, fidem propè super-

taverit; ita immensos, ut omnia prosperorum eventuum genera, intra domitiis sui tempora concluderit.

Cujus rei testes erunt, ad omnium ætatum memoriam, unius Regis ductu vel consilio, captae urbes amplius ducentæ; profligati exercitus supra viginti; adjunctæ regno Provinciae complures; confirmati in solio Reges; dissipatae ferrò gentes; domitæ Respublicæ dux, & altera solò obsequiò, altera solò naufragiò ab interitu servata; Europa trophæis insignita; Africa fulminibûs ambusta; America suis coloniis asserta; totus denique terrarum orbis fortitudinis Gallicæ famâ peragratus, & territus, vel conciliatus.

LUDOVICUS itaque propter illam, & bellorum, quæ sustinuit & virtutum quas exhibuit, & facinorum; quæ gessit, & eventuum, quos habuit, magnitudinem, bellò magnum agnoscant omnes eodem cognomine donati Imperatores, Magnum agnoscat Alexander, plurimum domitor gentium, sed minùs bellicosarum: Magnum Carolus, ampliorum victor regionum, sed minùs defensarum: Magnum Henricus, recuperator imperii, sed non amplificator: Magnum & ille Pompejus, qui triumphare citiùs cepit, sed maturiùs desit. Magnum bellò admirentur omnes quotquot fuerunt ipsi bello admirabiles. Nos majorem pace amemus: & ereptum nobis Re-



gem Pacificum, alterâ orationis parte lugeamus.

SECUNDA PARS.

Cum tanta sit pacificas inter bellicasve virtutes disjunctio, quanta pacem inter, bellumque discordia esse intelligitur; mirabitur credo aliquis, quomodo is pace magnus, nedum major dici verè possit, qui magnus bellò fuerit jure appellatus. Admirari hoc sanè liceat, (si tamen reperire) in vulgaribus Heroum animis. Nam & Heroum quoque ipsorum quoddam vulgus est, quorum plerique ita fulgent in castrensi pulvere, ut in aulico splendore obsolescant: Herodès foris, domi vix homines: nunquam admirandi, nisi fuissent formidandi; nunquam fortè magni, nisi fuissent immanes.

At vero existunt; aut certè extitit ingentis cujusdam animi vir, qui cum arma nunquam exueret, nisi victor hostium, quos fortitudine primùm, deinde clementiâ debellaverat; nisi victor animi, cujus impetum in ipso victoriarum cursu continuerat; nisi victus charitate populorum, quam gloriæ suæ anteposuerat, sic uteretur otio aliis concessio vel imperatio, ut pace quàm bello major, dici mereretur.

Magnum equidem fuerat propagare fines imperii: sed majus illius augere vel reparare vires. Magnum, leges imponere hostibus; sed majus populos emendare legibus. Magnum, insi-

gnire Europam trophæis; sed majus ornare Galliam artibus. Ad illud bellô fuerat usus, ad hoc pace usus est LUDOVICUS, tantô majori cum laude, quantô externæ imperii gloriæ præstat domesticus splendor, & Regni amplitudini, ipsa regni incolumitas.

Frustra vi armorum propagatur imperium foris, nisi fructibus pacis intus reficiatur. Dum longè protendit fines, ejus plerumq; decrescunt vires, & exhauriuntur. Idemque ferè bellicosis gentibus evenit, quod arboribus generosis, quô brachia latius explicant, hoc minùs robore invalescunt.

Ut autem vires reparentur imperii & augeantur, non satis est illud pace quiescere, nisi communes regni provincias, veluti succus per omnes arboris ramos, uberius diffundantur. Hoc intellexit Rex pacificus; huc mentem appulit: & quoniam id præstant in regno fluvii: quod fibræ in arbore, illud curavit primum, ut fierent ii, quantum natura pateretur, vehendis ultrô citroque mercibus idonei. Ergo qui modò fluminum altitudinem exploraverat, ut bellica instrumenta transportaret; idem mox exploravit amnes, ut pacis commoda circumquaque traderet. Qui undas ex alveis deductas in rivulos diviserat, ut evertendis arcibus aditum reperiret; mox collectas è rivis aquas, in canales induxit, ut alendis urbibus commeatus invehe-



ret. Qui maria suis classibus intercluserat: mox Mediterraneo commisit Oceanum mari, submotis longissimò spatio terris, excavatis non sine miraculo rupibus. Magnum opus! quod natura sociavit, illud dissolvere; quod distraxit, illud conjungere. Dignum opus Cæsaribus! si forent ipsi, naturam digni vincere Cæsares. Reservatum opus LUDOVICO! cujus erat in fatis miracula à potentissimis illis mundi dominis tentata sæpius & relicta, moliri simul & perficere.

Fruebatur interim Gallia suis opibus per fluvios, per mare, è provinciis in provincias libere commeantibus, sicque rerum per se fecunda erat omnium, ut illà ægrè carerent ceteræ nationes; his ipsa facile careret. Ex quo præsertim tempore lanificia è vicinis gentibus ad nos LUDOVICUS acciverat, Gallosque probaverat utrisque Minervæ studiis aptos esse; posse illos ut ensẽ fortiter, sic acum tractare solerter; & utraque laude vincere. Ne quid tamen ad copiam deesset, externas opes apud nos considerari passus non est. Indiam mercatoribus nostris utramque aperuit. Illorum excitavit audaciam: acuit industriam; fortunam adjuvit. Illos munivit edictis in Galliâ, navibus in Oceano, colonis & propugnaculis in peregrino litore, ubique gentium, amore nominis sui vel terrore, vallavit. Abiērunt illi tantò freti præsidio; maria securi obiērunt; in longinquas re-

giones penetrârunt; mercibus commutârunt & Galliam in Indias transferentes quodammodo, Indias in Galliam subinde referentes, tantum auri argentique advexerunt, ut nisi opes ad communem gentis usum traducendas avidius colligeret avaritia, & humanis usibus invideret, vix unus aliquis in regno incolis frequentissimus, inopiam nisi ex copia ipsa cognosceret.

Pergite tamen viri de patriâ optimè meriti, pergite novis nec simplicibus auspiciis illa bene mereri. Auspicia novi Regis & sua vobis commodat Principes, qui ad regimen Galliarum non uno venit nomine; & Galliam non unâ virtute regit: qui dum salutis consultat publicæ, hoc unum timere finit, ne minus parcat suæ, quâ salus publica continetur: qui sic Regem instituit exemplis; sic regnum reficit curis, ut & optimum regno Regem, & regnum Regi optimum comparet: qui populorum amores colligit, ut pupillo regnanti tradat, partem regni longè optimam; & tradendo retineat, mercedem laborum unicam, & unice quæsitam.

Pergite; inquam; & in quascunque terras appuleritis, luctus nostros docete; solatia nostra ne filete. Dicite LUDOVICUM MAGNUM vixisse; hoc uno appellato nomine, damna nostra gentes intelligent. Dicite Philippum Galliarum Rectorem esse; & hoc audito nomine, Principem intel-

intel  
filii  
egreg  
eriâ  
tate  
do id  
nobis  
nos a  
lo tu  
DOV  
xerat  
vel r  
lauda  
aliqu  
gnus  
verit  
Il  
firmi  
tia, c  
impo  
vinc  
relax  
legib  
jus,  
M  
Asiæ  
neq;  
ret a  
N



intelligere manu fortem, ingenio magnum, consilii plenum, belli studiis nobilem; pacis artibus egregium, tam pace, quam bello vitæ pro patriâ prodigum, auctoritate dominum, popularitate civem. Imperio regendo habilem, habendo idoneum. Hæc intelligant gentes, & oblata nobis in tanto principe solatia gratulentur, si nos amant: neque gratulentur solum; sed & illo tutore & auspice, commercia foveant à **LUDOVICO** instituta; qui nos omnibus junxerat gentibus, ut Galliarum vires augetur pace, vel repararet; amandus, quod semper voluerit; laudandus; quod sæpe fecerit; excusandus; quod aliquando non potuerit? nec minus amore dignus & laude, quod populos legibus emendaverit.

Ille vulgò & temporum diuturnitate, quæ firmissima quæque dissolvit, & armorum licentia, quæ sanctissima quæque corrumpit, regnis importatur calamitas; ut disciplinæ domesticæ vincula; nisi adstringantur diligentius, paulatim relaxentur; ac dum leges accipiunt hostes, ipsi legibus eximant sese populi; & multa contra jus, alii faciant, alii patiantur.

Malè igitur Macedoniæ suæ consulebat ille Asiæ domitor, Rex; nulli forsitan imitabilis, sed neq; imitandus, qui longè vagatus, jura imponeret alienis, dare suis omitteret.

Non ira **LUDOVICVS**. Ense martis recon-

dito, Justitiæ gladium accepit Rex justissimus, & in vitia ex otio vel à tumultu nata, vim legum exeruit.

Gliscebatur in dies sæpe compressus, semper resurgens singularium certaminum furor; nec vili, sed nobilissimo regni sanguine pascebatur. Hostes quærebat domi, qui abessent foris; prælia indicebat sine jure; pugnabat sine modo; vincebat sine triumpho: sed vincebat impune; & ipsa impunitas, triumphum locum obtinebat, LUDOVICUS pœnas victoribus victisque constituit, hoc ampliores, quod ad vivos mortuosque pertinerent; hoc graviores, quod essent cum infamia conjunctæ; hoc minus eluctabiles, quod omnis veniæ spes, sacramentorum regio tolleretur. Sicque ignominia metu coacti sunt vivere, quos opprobrii timor cogeret mori.

Abutebantur potentiam suam quibusdam in locis viri Nobiles, tantum sibi licere rati, quantum se posse confiderent. LUDOVICUS eorum coercuit impotentiam; & in eo regno, ubi summorum pariter & infimorum dominus ac tutor foret, nihil posse quemquam vel audere voluit, nisi quantum liceret. Atque ita cavuit, ne aut tenuitatem premeret nobilitas; aut adversus nobilitatem, insurgeret pressa tenuitas, aut altera noceret alteri, vel invideret.

Dominabatur alicubi in judiciis gratia vel avaritia. Nec sic Themis velum prætendebat oculis,



oculis, ut ne manus nimis liberaliter supplices videret; nec sic æquabat lances, ut ne altera pretioso pondere labaret; nec sic gladium strin-  
gebat, ut ne dextrâ malè pertinaci deflueret. LUDOVICUS ex incorrupto illo & inflexo Parisiensi Senatu delegit Judices, qui Provinci-  
as obirent cum potestate; qui de judiciis ipsis judicarent æquitate pari & auctoritate, & ini-  
qua emendarent, laxa cœrcerent, corrupta re-  
scinderent, quâ re provisum est, ne, quæ sum-  
ma iniquitas est, Jus ad injuriam verteretur.

Texebantur in foro litium ambages immen-  
sæ, quibus sæpe irretiti clientes, nullum reper-  
rent salutis exitum; & vel persequendo jure suo  
defessi, illud assequerentur nunquam; vel illud  
assequendo exhausti, nihil se demum consecu-  
tos esse deprehenderent: LUDOVICUS novo  
codice lato, novam obtinendi juris sui formam  
aperuit, sinè ambagibus expeditam; sinè cir-  
cuitu brevem, sinè errore certam, sinè discrimi-  
ne omnibus tenendam, nec recusavit ipse toto  
trimestri spatio omnia supremi Magistratûs mu-  
nia obire solus; & quâ manu sceptrum gerebat,  
eâdem sigilli fidem imprimere: ut ostenderet,  
quàm benè cum Regni administratione, Juris  
tractatio conveniret; quanta utriusque non di-  
gnitas modò, sed quasi societas esset: atque in-  
telligerent omnes in Gallia, si minùs Judices re-  
gnare, at Regem judicare.

Ut vigent opibûs; ut stant legibûs; ita flo-  
rent artibûs imperia: multoque magis harum  
operibûs, quàm triumphorum insignibûs orna-  
tur. Squalluit mundi caput Roma, dum sola ter-  
rarum ultima trophæis illustraret; tuncque pro  
dignitate Imperii splendere primum visa est, cum  
Augustus qui (b) *lateritiam* acceperat; diuturnâ  
pace *marmoream* fecit.

Etiâ autem nullâ tempestate artes in Gallia ja-  
cere passus est Rex, omni tempore artium Pa-  
tronus: illas tamen pace potissimum coluit &  
amplexus est; atque ita est amplexus, quasi pa-  
cificas artes unice diligeret; ita coluit, ut  
nec ullâ ætate illarum, nec ulla ætas ab eis tantum  
splendoris acceperit.

Extiterunt quidem Ptolomæi & Philippi,  
qui artes ingenuas benignissimè foverent; sed  
alias, nemo omnes, LUDOVICUS Ptolomæi  
& Philippi benignior omnes benevolentiam com-  
prehendit, siue manu, siue ingenio perficeren-  
tur; & nullas tutelâ excludi voluit, qui om-  
nes tueri potuit.

Reperti sunt Trajani & Constantini, qui ob-  
latas ultro & apud se natas humanissimè tracta-  
rent. Hic Trajanis & Constantinis humanior,  
exules quoque vel peregrinas evocavit ad sese;  
& dignas existimavit non modò, quæ accipe-  
rentur comiter, cum se offerrent; sed etiam quæ,  
cum abessent, amicissimè invitarentur.

(b) *Sæctm in August.*

La.

Inventi sunt Caroli & Francisci, qui sive natus domi, sive aliunde accitas tamdiu liberalissimè alerent, dum illas hospites haberent. Hic Carolus & Franciscus liberalior, externas quoque, & in aliena ditione commorantes, munificentia sua sustentavit; & earum voluit dici Pater, quarum non posset vocari Princeps.

Non defuerunt Antonini & Andronici, qui admissas in palatium collocarent honorificè, & sibi assidere aliquando juberent. Hic Antoninus & Andronicus in honorandis artibus prolixior, sedem illis propriam fixit in palatio; & regni habitare dedit, quibus regnare dederat.

Fuerunt varia ætate locupletes artium patroni, qui eis domicilia ponerent, vectigalia attribuerent, præmia proponerent. Hic ceteris locupletior patroni, & omnia largitus est, quæ largiri multorum est: & hoc addidit, quod is ferme unus dare potuit, materiam singulis amplissimam de suo, & eximium operis argumentum.

Quantam enim eloquentiæ Gallicæ in virtutibus suis laudum segetem; quantam Historiarum præclarè gestarum copiam; quantam Inscriptionum Academiæ titulorum varietatem; quantam Pœticæ miraculorum ubertatem; Statuariæ verò & Picturæ, quàm absolutam Herois speciem obtulit?

Tametsi omnes de te LUDOVICE, artes sæpè conquerentes audivimus. Quærebatur Pi-

ctura



atura posse coloribûs istam oris dignitatem ad-  
umbrari. Quærebatur Statuaria nullo marmore  
istam vultûs ac totius corporis majestatem reci-  
pi. Querebatur Poëtica nullam sibi in tot prodi-  
giis, fingendi laudem relinqui. Querebatur in-  
scriptionum Academia nullis te satis dignis no-  
minibus inscribi. Querebatur Historia tuis ge-  
stis incredibilibûs sibi fidem abrogari. Ipsa que-  
rebatur Lingua Gallica, virtutem tuarum nu-  
mero & magnitudine, omnem vocum suarum  
vim & copiam exhauriri. Omnes denique con-  
querebantur artes, quòd per te locupletata, in  
te ornando essent inopes; & quòd mancas mu-  
tasque in te faceres, in cæteris omnibus habiles  
& desideratas. Se tamen ingratas videri nega-  
bant posse; imò benè de te meritas prædicabant:  
quoniam etsi ornare te non potuerant, qui à te  
omnia, nihil ab arte ornamenti accepère, tuam  
certè ornavèrant Galliam; quod unum expe-  
tebas.

Respiciat enim illa se, & omnium gentium  
facta spectaculum, ipsa contemplari se amet, vi-  
deat adjectam ædibus magnificentiam, hortis  
amænitatem, urbibus splendorem, sermonibus  
elegantiam, scriptis venustatem, cantibus sva-  
vitatem, telis & faxis animam, omnibus omnis  
generis monumētis dignitatem. Videat impositas  
arces finibus, portus additos littoribus, naves  
portubus, nautas navibus, nautis disciplinas.

Vide-

Videat inuenta montibus flumina, infusa terris maria, adscripta recens cælo sidera; hæc videat; & nihil Romæ invideat, quæ Augusto Principe non tot aluit artes: nihil Græciæ, quæ tam brevi tempore non tot instituit artifices; nihil reliquo terrarum orbi, qui vix, quantus est, tam varia operum miracula complectitur. Hæc omnia debet artibus illa quidem, & artificibus; sed artes ipsas ipsosque artifices LUDOVICO debet, qui non diuturnâ pace, ut Cæsarium alter, sed exiguis sic usus est bellorum intervallis, ut Galliam, tum agendo viribus, quantum potuit: tum emendando legibus, quantum debuit; tum verò artibus ornando, quantum fermè voluit, pace quàm bello major videri meruit.

Et sanè talem admirati sunt, siue principes, qui ex variis Europæ regnis, siue Legati, qui ex ultimis mundi regionibus, ad eum multò plures, quàm olim ad Augustum adièrunt. Utrique Regis & Regni fama excitati venerunt. Regnum ex Rege æstimaverant, antequam venirent: Regem ex ipso Regno, postquam venerant, ac demum alterum ex altero æstimaverunt, & Regnum opibus florentissimum, legibus fundatissimum, artibus ornatissimum contemplati: Regem verò formidatum foris, & amatum domi; sic regentem imperium, ut familiam, summâ clementiâ; sic familiæ ut regno moderantem;

rem; summâ auctoritate; fufum fuâ sapientiâ per omnes regni partes, velut animam per corpus: & omnes regni ordines velut ejusdem corporis membra, communi sociantem vinculo, & uno spiritu moventem conspicati ac venerati, famam in utroque, hoc est in Rege & Regno; non mendacii, sed silentii arguerunt: quòd non plura veris, ut solet, sed longè pauciora de utroque narraverat. LUDOVICUM bellò magnum audièrant; pace majorem viderunt. Nos Religione maximum vidimus & Regem nomine ac re Christianissimum tertia orationis parte lugemus.

## TERTIA PARS.

CUM omnibus Christianis hominibus Religione magnis esse fas est; quia Religio ipsa magnos facit: tum Regibus hâc licet esse maximis: quia possunt ipsi maxima, Religionis causâ facere. Neque id aliquamdiu regnant. Quo etiam altero ex capite, qui magni pace vel bello fuerint, possunt fieri Religione maximi. Bellum enim & Pax ita partem sibi vindicant in vita Principis, ut sese mutuo excludant: Religio totam Christiani Regis vitam postulat, ut nulla ejus parte excludi debeat. Quo utroque nomine, maximus Religione fuit LUDOVICUS, qui & maxima, & toto vitæ tempore Religionis causâ fecit; siue dum illam vindicaret edictis, siue



sive dum amplificaret beneficiis; sive dum exemplis illustraret.

Mirum fortè vobis Oratores sacri, at non molestum, credo, accider, quòd ego, aliam à vestra, dicendi orationem secutus, Regem exhibeam quoq; Religione maximum. Messis hæc nostra omnium est; omnibus in hanc licitum est falcem injicere. Neque, si vestra præcipuo quodam jure sit, nos tamen ab ea per vos severius arceri deceat. Qui ex nostra segete bellica tantum assumitis: è sacra messe vestra, tam præsertim ubere, aliquid decetpi concedite.

Auctoritate sibi à Deo creditâ Regem uti, majestatem ut asserat suam, hoc regium quidem est, sed humanum. Illam adhibere ad vindicandam Dei Religionem, id verò regium ac propè divinum est. Eò vertit auctoritatem suam Rex Christianissimus, quo primùm die illam per ætatem obtinuit, & ejus exerendæ facultatem habuit. Sedit ille in augustissimo Senatu, more majorum; at non tam sibi, quàm supremo Numini asser-turus reverentiam.

Homines audiêrat sanctissimum Dei nomen usurpare ad contumeliam, & ipsum invocando provocare. Illorum temeritatem sacrilegam non tulit Ludovici IX. hæres & nepos, ætate disjunctissimus, pietate proximus; & gravissimum in eos edictum promulgavit. Quò edictò omnium primò, & impia clausit ora, & os ipse suum pietat-

pietati consecravit. Omnem accepit Religio, & optimè sperare cœpit. Omnem vidit Hæresis, & si quid provideret, malè augurari debuit.

Illa jam inde à sæculo, eoque amplius, in Regni Christianissimi gremio partu infelici procreata; & à tenebris natalibus in apertam lucem educta; à vulgi studiis ad nobilium gratiam profecta; ab humilibus obsequiis, ad armatas preces, & ad cædes denique progressa, nihil in doctrina sincerum, nihil in legibus involatum, nihil in sacris impollutum, nihil in toto regno inconcussum reliquerat. Huc nimirum pertinere solet egregium illud navandi & emendandi studium! Status regni convellitur, Religionis facies deformatur.

Has quidem injurias Ecclesiæ Parenti optimæ illatas doluerunt, ut decuit, Filii ejus Primogeniti; & quantum in se fuit, ulcisci voluerant; sed crebris licet confossa vulneribus hæresis, spirabat tamen in intimis Galliæ visceribus; & suis ipsa cladibus superstes, omnia triumphorum insignia retinebat. Grassabatur in regno contemptrix Regum; sedebat in foro violatrix legum? delubra incolebat perniciēs templorum, & aras aris, sacra sacris conjungebat in eodem solo, & opponebat, sanctissimæ Religionis æmula pariter & sociā, hospes simul & inimica, ô pudor! hæc posita de se trophæa Religio videbat, ô dolor! & precibus lacrymisque vindicem implorabat.

Adfuit

Adfuit LUDOVICUS, qui grassantem belloam  
legum vinculis coërceret, & capita exerentem  
modò hoc, modò illo capite truncaret. Sed illa  
rumpebat laqueos, & uno capite abscisso, novum  
illico proferebat. Sensit pius, nec fabulosus  
monstrorum domitor vivacem hydram usque in  
Religionis damna pullulare. Timuit vinci; &  
hoc magis timuit, quòd non sibi, sed DEO vel-  
let vincere. Artes opposuit artibus, sanctas im-  
piis. Statuit uno ictu omnia simul fertilis mon-  
stri capita refecare. Arduum verò consilium; &  
iis omnibus, quæ bello vel pace gesserat, faci-  
noribus longè operosius: sed hoc magis eo di-  
gnum Principe, qui Religione mallet, quàm  
pace vel bello, videri, & esse maximus.

Non illum à proposito revocaverunt edicta  
quædam regia, quibus novitas muniebatur: illa  
per iniquitatem temporum extorta intelligebat;  
& ad tempus concessa; nec semel per impiam  
temeritatem violata viderat. Non illum infre-  
gerunt objecti metus: id unum timuit, vel po-  
tius cavuit, ne quid sibi in causa Dei timeret; &  
novitatem sciebat nunquam magis timendam  
esse, quàm cum timeri se consideret. Non  
illum fefellerunt dolosa ejus obsequia: illam no-  
verat tamdiu fermè obsequi, quàm rebellare non  
auderet. Non illum moverunt præstita olim &  
sæpè jactata superbius officia: illam comperera  
nunquam benè regibus fecisse, nisi, ut regno malè  
face



facere impunè posset. Non illum inflexerunt habendæ de sublata libertate querimoniæ; tùm benè libertati publicæ consultum fore credidit, si pereundi licentiam è medio sustulisset. Non illum deterruerunt spargendi tam audacter quàm malignè de nimia ipsius severitate rumores: satis se cunctando, hortando, invitando, severitatis absolverat. Non illum denique retardaverunt virorum multa de rei eventu malè ominantium terrores. Valeant inconsulta hominum, minùs quia nimis prudentum, auguria, Vaticinium LUDOVICO certum, Religionis vox: loquitur illa, hic audit: calamus exeritur, non gladius: edictis pugnatur; edictis vincitur.

Rex jubet; & omnia impietatis templa repente corruunt, vetat; & decies centena hominum millia ritus profanos deferunt: proscribit, & hæresis toto, quaquà patet regno, exulat: decernit; & quod multi Reges potentissimi, contentionibùs præliorum maximis, longissimò annorum spatio consequi non potuerant, id Rex unius, uno die, uno edicto exequitur. O pietatem LUDOVICI admirabilem! ô potentiam cum ipsa pietate de miraculis certantem! hominem diceres (si dicere fas est) in destruendo, æmulari Divinà in creando celeritatè Adeste Clodovæi, Ludovici, Philippi, cæterique Reges nostri Religionis magni, adeste; & nepotis vestri Religionis

maxi-

kerunt  
e; cum  
didit,  
Non  
quàm  
res: sa-  
everi-  
tarda-  
è omi-  
homi-  
guria,  
igionis  
exeri-  
s vin-  
la re-  
homi-  
cribit,  
at: de-  
con-  
no an-  
Rex  
pieta-  
n cum  
minem  
mulari  
ovari,  
ri Re-  
gione  
maxi-

maximi triumphos, si quid pietas invideret vo-  
bis invidendos conspiciate.

At ecce peregrina, quamquam è Calviniano  
prognata semine, advehitur novitas: & Belgio  
in Galliam pestis refunditur. Matris pessimæ  
soboles pessima, nec inficianda matri, quamvis  
ipsa matrem ejuret. Ambæ neque similes pror-  
sus, neque dissimiles; sic, ut in diversis mo-  
ribus, eandem facile naturam agnoscas. Illa  
ferox, & temeritate præceps: hæc timida &  
metu cuncta, illa se late dominari prædicans;  
hæc se nusquam esse mentiens. Illa clamo-  
ribus insanis pugnat: hæc ipso defensa silen-  
tio. Utraq; (ut plura omittam, quibus alteri  
cum altera minus magisve convenit) utraque  
simulandi & dissimulandi artificio pene par: &  
hoc maxime similis, quod sit pro varia tempo-  
rum ratione sui maxime dissimilis.

Hic etiam tua, LUDOVICE, manus vindex  
poscitur. Nec sibi Religioni deerit Rex, ni su-  
scepta defensione constantissimus. Alteram hanc  
novitiam; sed minime rudem hæresim, quibus  
licet armis impugnetur. Ista velut certiùs fal-  
lat, vel ut tutius lateat, intra Ecclesiæ septa  
se continet; ipsam Ecclesiæ telis iterum atque  
iterum configendam tradet. Ista totis sexaginti  
annis Summorum Pontificum & Cleri Galli-  
cani decreta explodet vel eludet: Ille sanctissi-  
mis decretis edicta regia tamdiu adjiciet, & au-  
ctorita-

C

etoritate alteram cum altera pro fœdere conjunget. Ista nihil fraudum omittet, quo in Gallia tanquam in materna possessione sedem & cubile figat: ille nihil omittet consiliorum, quo ipsam, sicuti matrem ejus, totâ Galliâ eiiciat & exterminet.

Tuum est DEUS optimorum dator & effector consiliorum, illud perficere, quod ipsi desideras velle: quod quamdiu vixit; voluit; quod & superiore, & hoc sæculo ita inchoavit, ut, cum perficietur, ejus quoque opera perfici merito censeatur. Sicque de bellica Novitate, quam multiplici vulnere confixit vivus, triumphet etiam mortuus.

Et sanè jam triumphâisset diu; & alterò post illum annò exorta, dudum ante ipsum, & per ipsum extincta foret hæresis, si tam hæc fuisset elidi facilis; quàm tertia illa pestis malè feriata, impiè otiosa, in fordibus quieta, quæ vix caput extulit; cum evanuit. Quasi ex Italia in Galliam ideo tantùm irrepsisset, ut, quod Calviniana secta fuerat experta, quod experiebatur Janseoniana, illud Molinosiana experiretur, nullam in eo regno hæresim benè quiescere, in quo regnaret LUDOVICUS Religionis vindex irrequietus.

Religionem ut vindicare possint Reges, sua facit auctoritas: ut possint amplificare, dat regia facultas; ut, quod possunt, id velint, syadet ipsa

Reli-



Religio; quæ Principum liberalitatem non ambit sollicitè, sed tacitè provocat; & si amatur, vel tacita auditur, illam audit vel tacitam, vel absentem, & exaudit Rex erga omnes liberalis, erga ipsam omni loco & tempore munificus, dicerem prodigum, nisi verbum hoc removeret Pietas, quæ dona sua ex ipsa dandi voluntate æstimans, vix sibi in dando satisfacit.

Quod enim unquam vel usquam muneris in Religionibus ab eo prætermisum est, qui templa amplius trecenta illi excitavit in ipsis Calvinianarum ædium ruinis; ut geminò lætaretur triumpho, & quod illæ ceciderant, & quod ista surgerent? Qui nefariæ sectæ Magistris ab errore ad veram fidem revocatis census annuos attribuit; ne faciendo bonos, videretur fecisse miseros. Qui Regales aut regalibus, suppare domus extruxit vagis pauperibus, ne in vitium incurreret vaga mendacitas, militibus vulnere invalidis, ut parte sui superstite DEO unicè viveret manca fortitudo; puellis nobilibus, sed egenis, ut pietatem, omnium dotem optimam, colligeret indotata Nobilitas. Qui Regem sanctissimum cum innocentissima familia, quàm ejectum regno impiè à suis, tam piè excepit hospitio; & solio restituere conatus est, dignum, qui restitueretur, dignus, qui restitueret, nisi dignior esset Religio, quæ eodem tempore in duobus maximis Regibus alterum pro ipsa fortiter a-

gentem, alterum fortiter patientem haberet. Qui Pastores Ecclesiæ regendæ semper elegit, aut eligere voluit, non solum bonos, sed etiam è bonis optimos. Qui præcones divini verbi munificentia suâ prosecutus est in plagas Orientis ultimas, ut quò Regis fama pervenerat, eodem veri Dei gloria pertingeret. Qui ubicunq; gentium Legatos habuit, ita Religionem per eos asseri voluit, ut nisi Religionis rem agerent, nihil se Regis, vel Regni causâ egisse intelligerent: Sed hæc aliqua beneficia à Rege liberalissimo non omissa, ab Oratore auctiores intra limites incluso prætermittenda omnino sunt vel levissimè perstringenda. Neque verò recusandum est ea non capi orationis nostræ angustiis, quæ Galliæ finibus non contenta, in vicinas, in medias, in ultimas orbis partes redundaverunt.

Me ne autem silentio transire egregia virtutum exempla quibus Religionem LUDOVICUS illustravit; cum tam regium sit nihil, quam exemplum; nullum verò exemplum tam illustre sit quam regium, ut me juvet diversa Regis Christianissimi tempora animò relegere, & exemplis virtutum diversis illustratam ab eo Religionem intruere!

Illum ego vobis exhiberem in summa fortuna summe modestum; omnibus altiore hominibus, & tantò se minorem DEO gerentem, ve-

Am

haberet, elegit, etiam verbis Orientat, edicunt, per eos gerent, intellige-  
 ralissi- tra li- nt vel- eusan- gustiis, cinas, ndave-  
 virtus- VICUS- am e- illu- a Re- re, & eo Re-  
 fortu- nomi- n, ve- etum

Annū triumphali curru, sed unde progressus in-  
 templa, spolia hostium & sua tholo appende-  
 ret; sublimem in folio, sed è folio delapsū ad-  
 aras, ubi majestatem regiam coram divina ma-  
 jestate deponeret; accipientem laudes, non fal-  
 sas, quibus vera virtus locum vix relinqueret,  
 sed veras, quas supremo Numini pietas referret;  
 audientem supplicum preces, sed hominum, qui  
 Regi ut homini supplicarent, quos ipse huma-  
 niter admitteret, regaliter dimitteret. Magnum  
 illis Regibus documentum, quos rebūs prope-  
 ris elatos, Diis æquat superbia; quibus fit tem-  
 plum aula, ara solium, consecratio laudes, in-  
 vocatio, preces; victima veritas, sacerdos adula-  
 tio.

Illum deinde vobis offerrem cum adversa for-  
 tuna quasi cum hoste novo compositum; neque  
 à tristibus ad tristiora sensim delapsū, ut mul-  
 tos, quibus profuit antea fuisse miseros, quam  
 fierent miserrimi; sed à lætissimis in tristissima  
 subito demersum sine ullo calamitatis usu: Re-  
 gem à Victoria desertum; partim familiā orba-  
 tum; Victoriā in recedendo præcipitante cur-  
 sum; morte in adveniēdo corripiente gradum:  
 ut qui paulò ante, Lilia Gallica in hostili solo  
 defixa longissimè prospiciebat, jam Aquilas Ger-  
 manicas expansis alis in Galliam advolantes pro-  
 ximè cerneret: ut qui modò Reges è sobole sua  
 utrique orbi dabat; & tribus ætatibus dare po-  
 terat,



terat, jam orbatuſ filiò pater, nepote avuſ,  
pronepote proavus idque ferè añuum intra ſpa-  
tium, vix è numeroſa progenie ſuperſtitem vi-  
deret infantem in quo domus inclinata recum-  
beret.

In hiſ tot repentiniſ, tam luëtuoſiſ caſibꝯ  
& ruiniſ, quàm jucundum vobiſ (quoniam & in  
ipſo luëtũ juvat oblata virtutiſ eximiæ ſpeciẽſ)  
quàm dignum ſuperiſ, hominibuſque ſpectacu-  
lum Rex indejectuſ, inconcuſſuſ, immotuſ; ne-  
que tamen rigido ſeptuſ robore, quod ſenſum  
doloriſ excluđat; ſe Regem, ſe patrem ſentiť;  
& utroque ſimul nomine, Rex in patre, pater  
in-Rege dolet; ſed Religione nixuſ, quæ viciſ  
ipſi rependat, quàm iſ ſuſtinet, quæ ipſum ful-  
ciat. Illuſ cerneretiſ erectuſ coram populo,  
ne animoſ ejꝯ affligat; & demiſſuſ coram Deo,  
ut ferientem ejꝯ manuſ adoret. Illuſ audi-  
retiſ, non accuſantem duceſ in belliciſ cladi-  
buſ, ut accuſabar ille (c) Cæſar poſt cladem  
Germanicam etiã mortuiſ parcere neſciuſ;  
ſed unum ſe arguentem omnium auctorem cla-  
diuſ & à regno in regiuſ caput pœnaſ voſiſ  
advocantem; illiuſ exemplò Regiſ, quem pec-  
cando ſecutuſ fuerat; quem pœnitendo ſequi  
volebat.

Verũ ab hac imagine, quoniam immorari  
non vacat, deſpectamuſ oculoſ; ac ne leviffimiſ  
qui-

(c) Sæto in Auguſt.

quidem aspectibus cæteras delibemus LUDOVICI virtutes, quæ cum ille palam officiis Christianæ pietatis fungeretur, populos Regis admiratione, Dei reverentia defixos tenuerunt: ut qui Regem propter Deum colerent, Deum colere ab ipso Rege discerent. Illuc properet Oratio unde animus refugit: & in eo dicendi finem faciamus, in quo Religionem maximò, sed ultimò Rex immortalitate dignus exemplò decoravit.

Huc mentem advertite omnes ex omnibus mundi partibus Christiani Principes, & LUDOVICUM non jam fulminantem bellò, non sedentem in solio, sed afflictum morbo, & in lecto jacentem intuemini; neque ab illo vincere aut regnare, sed mori discite. Quamquam sic quoque regnat, solo stratus corpore, toto erectus animò, & veluti sol nunquam visus major, quàm in occasu. Sic quoque vincit, nunquam fortior, quàm cum inermis: nunquam acrior ad pugnam quàm cum hostis formidolosior.

Vincendum vitæ desiderium, quæ tum vehementissimè desiderari incipit, cum fugit: ita vincit, ut fugientem ne uno quidem gemitu vel aspectu revocet. Vincendus regni amor, quæ Principibus innascitur primus, & extremus immoritur; ita vincit, ut qui vincula exuat, non sceptræ deponat. Vincendus corporis dolor, qui à medentibus hoc gravior infligitur, quòd

quod ab ipso doloris sensu spes salutis petitur, ita vincit, ut sensus à membris in animum transeat, ex animo in vultum non prodeat. Vincendus mortis metus, quæ tunc terret maximè, cum frigida tacito gradu venit: ita vincit, ut in armorum tumultu fervidam vicerat. Vincendus Principum, & Procerum adstantium luctus, qui jacente Rege consternari animò, solo stant more fixi vincit, & ore placidus, voce firmus, ultima aliis monita; omnibus exempla dispensat.

Accede Infans Auguste, folio avito, mox ad movende, accede: proavi amplexus, sceptrum, & potiora utrisque præcepta excipe. Accedit accipit; flet; admonente naturâ, quid amittat; docente nondum cupiditate, quid acquirat. Flentem LUDOVICUS DEO commendat, cuius dare regna & servare est; commendat Galliam, quàm is pro potestate reget; Galliam ipsi commendat, ut paternè regat.

Dimissò regnò, ipsum imperiî usum dimittit, antequam lucis usuram amittat; & huic tradidit Principi, qui Regis pupilli nomine imperabit. Atque illum jam nunc imperare jubet; non ut addiscat, quod parendo didicit; sed ut doceat, ipso quod majus imperiò est.

Dimisit omnia Ludovicus; sibi solus superest, & quia sibi superest, plus retinet quàm dedit: sed neque id ipsum retinet; & quas mors exuvias auferre jam parat, illas usque sui Dominus



minus, usque Religiosus, piò benevòloque animo distribuit.

Cor suum, partem sui optimam, nec toto minorem Rege, & orbe toto majorem, huic attribuit Societati, cujus in corde semper vixit, & dum vivet illa, victurus est: quæ non dico, sua adversus parentem amantissimum observantia tanto esset digna pignore, sed quæ illo fieret indignissima, si non prædicaret.

Cæteras funeris sui leges non aliter describit, quàm si pompæ triumphalis ordinem præscriberet, ante mortem sibi superest; & de morte ipsò mortis apparatu triumphans.

Non hic ego vos appellabo, Alexandri, sciebatis vincere; non vos Augusti, sciebatis regnare; nesciebatis mori. Sola hoc docet Religio, quàm non eratis edocti. Mortem sprevistis quidem, cùm vos dejectos & decumbentes invaderet; sed vel desperatione omnis vitæ vel falsæ immortalitatis exspectatione malè fortes. LUDOVICUS spernit, melioris vitæ spe ac desiderio pulchrè animosus. Hunc tu illi spondes tot ab eo vindicata edictis, tot amplificata beneficiis, tot illustrata exemplis, prima & ultima ejus cura, Religio sancta, quæ natum in sinu tuo Regem: in complexu tuo morientem vides & hoc uno titulo, quòd tuus moritur, gloriantem audis.

Nos interea effusi ante aras, vota, lacrymas, animi-

animam ipsam offerimus, ut ille vivat, in quo parte  
nostri meliore vivimus. Quid posse voveamus, co-  
gnoscit, & improbat. Nos accusat, quod ipsum velle-  
mus vivere. At ipse te accusares. Rex optime qui  
tuis effeceris virtutibus; ut te semper vivere velle-  
mus. Pugnat samen ille votis & vincit, quod, time-  
bamus, quod expetebat id obtinet: VIXIT.

De te non conquerimur, DEUS. vitæ mortisque  
arbitrer, cum das optimos Reges laudandus: cum re-  
petis, adorandus; de te non conquerimur: & vota  
nostra LUDOVICI votis cessisse patimur. Dignus e-  
rat ille, quem ad te raperes; indigni eramus, qui apud  
nos illum ultra retineremus. Ad nunc altera  
quæ non pro eo, sed cum eo apud te fundimus vota,  
bonus excipe.

Vivat ille Regis maximi Heres parvulus, tam citò  
à Matris complexibus, à Patris exemplis, ab amoribus  
Avi, à proavi præceptionibus desertus; & hæc  
omnia in uno Patruo sibi restituta esse sentiat.

Vivat ille felix; & in spes suas, quas nondum ce-  
pit; in spes nostras, quas jam affacit, utrasque ma-  
gnas, tempestivè adoleseat. &c.

Vivat ille diu; & eorum annos Principium accipi-  
at, quos immatura mors regnis abstulit.

Vivat, ille piè; & eorum virtutes animò compre-  
hendat, quorum sceptræ manu colligit.

Denique vivat eo Rege dignus, qui magnam ipsi  
animam inter ultimos amplexus, cum Regno trans-  
mittere visus est; & LUDOVICUM XIV. LUDO-


VICUS XV. amet nobis, nostrisque nepotibus  
referre magnum bello, majorem pace, Re-  
ligione maximum.

DIXI.



Re-  
em  
Po-  
illi  
on-  
ant:  
est.  
Tur  
au  
on-  
ur  
ria,  
ono,  
il-  
core  
rta-  
in-  
Ele-  
amq;  
Orbe  
ifici.  
qui-  
rbe-  
Feli-  
Soci  
bus,  
ā in-  
Regū  
lita-  
xer-  
Bel-  
atem;  
Cujus  
ntium  
m Pa.  
bis ē-  
fa.  
.





68.823

150

k 958/

m/861

Biblioteka Jagiellońska



stdr0024817







